

Comunicado di Prensa ---

Persona di contacto: Enrique "Ricky" Sanchez, Saliña Serca 35A, Tel: 862-119

Fecha: 27 mei 2001

Pa publicacion inmediato**Awor Publico por admira e coleccion mas grandi y mas completo di cocolishi na Aruba**

Ricky Sanchez su hobby pa mas di 30 aña largo

E coleccion di mas grandi y mas completo di cocolishi na Aruba, awor por wordo aprecia pa publico en general tambe. E coleccion aki cu mas di 300 diferente sorto di cocolishi for di henter mundo, ta e orguyo di Enrique "Ricky" Sanchez, kende for di hoben a cuminsa collecta cocolishi como hobby. Awor, despues di mas di 30 aña, ta coleccionando e ta habri pa publico tur e mas di cien cahanan di cocolishi cu e tin. Mostrando awor den un forma mas organisa y den un forma simpel pero efectivo tur e bunitesa y diversidad di cocolishinan.

Den un bishita recién buscando mas informacion pa un proyecto di cocolishi cu Museo Arqueológico di Aruba, e biologo marino Byron Boekhoudt, a keda sumamente impresionado cu e coleccion di sr. Sanchez. "E coleccion aki, sin duda, ta e coleccion mas grandi cu ami a mira na Aruba. Tanto den sorto y den cantidad e ta esun mas extenso. E variedad di cocolishinan ta impresionante y nan bunitesa ta resalta den e forma cu nan ta presenta serca sr. Sanchez." Asina e biologo a bisa.

Ademas di duna oportunidad na un y tur pa mira e coleccion di serca e ta disponible pa guia bishitantenan dor di esaki, contestando preguntanan y dunando informacion. Byron Boekhoudt, biologo marino, ta relata cu "Sr. Sanchez tin hopi conocimiento di cocolishinan y mi no kiermen solamente nan nomber pero tambe na unda ta hayanan, den ki profundidad, con nan ta biba y cual ta haci kico. Pami Sr. Sanchez ta un fuente invaluable di informacion y mi ta recomenda tur hende cu tin interes, specialmente muchanan di scol, pa bishita Sr. Sanchez."

Sr. Sanchez, ken ta un arubiano cu ta orguyoso di bisa cu tur cos ela siña dor di traha, ta koki di profesion pero cu recientemente a haye na cas y e idea a cuminsa pa exhibi su coleccion di cocolishi. Su cas situa na Saliña Serca 35A, na noord (4 cas dilanti Marriott) a bira un sorto di museo di cocolishi unda un y tur por mira kico naturalesa por ofrece. En principio cualkier ora ta bon pa pasa, pero pa mas seguridad, yama y haci un cita cu Sr. Sanchez na telefon 862-119 pa mira e coleccion y haya tur sorto di informacion.